

ИККИ ЮЛДУЗ ШУЪЛАСИ



4

ЎҚИГАН ҚИЗНИ ИЗЛАНГ!

6



ИККИНЧИ ЕР САЙЁРАСИ

7



РОНАЛДУ — «ОЛТИН
ТЎП» СОВРИНДОРИ!

8

ҚАДР-ҚИММАТИМ, ТАЯНЧИМ ВА ИФТИХОРИМСАН, МУСТАҚИЛ ЎЗБЕКИСТОН!



*Мағрур ҳилпирайди, юртим, байроғинг,
Яшнаб, гуркирайди боғу гулбоғинг.
Муқаддасдир бизга азиз тупроғинг,
Озод қучоғингда яйраймиз, Ватан,
Биз сени жон қадар асраймиз, Ватан!*

Зикрилла НЕЪМАТ

ҲИКМАТ

Болаларни тўғри тарбиялаганлар уларни дунёга келтиргандан кўра кўпроқ фахрлансалар арзийди.

АРИСТОТЕЛЬ

МАСЛАХАТ МАРКАЗЛАРИ: ТАРАҚҚИЁТГА ХИЗМАТ ҚИЛМОҚДА

Юртимизда аҳолининг турмуш-даржасини янада яхшилаш, ижтимоий ҳимояга муҳтож қатлам вакиллари ҳар томонлама қўллаб-қувватлаш, кичик бизнес ва хусусий тадбиркорликни ривожлантиришга доимий эътибор қаратилмоқда. Бу борада «Фуқароларнинг ўзини ўзи бошқариш органлари ҳузуридаги тадбиркорлик фаолиятини ривожлантиришга кўмаклашиш бўйича маслаҳат марказлари томонидан қўллаб-хайрли ишлар амалга оширилмоқда.

— Бундай марказлар жойларда тадбиркорлик фаолияти билан шуғулланаётган ёки шуғулланиш истагида бўлган фуқароларга жамоатчилик асосида тадбиркорликка оид ахборот хизматлари кўрсатиш ва шу орқали, маҳалла аҳолисининг, шу жумладан, ёшларнинг даромадлари ҳамда турмуш фаровонлигини ошириш мақсадида ташкил этилган, — дейди «Маҳалла» хайрия жамоат фонди Тошкент вилояти бўлими бош мутахассиси Зулхумор Жўраева. — Вилоят Бандликка кўмаклашиш ва аҳолини ижтимоий муҳофаза қилиш маркази билан ҳамкорликда ўтган йил давомида шаҳар ва туманларда 93 та меҳнат ярмаркаларини ўтказдик. Ушбу ярмаркаларда иштирок этган 12825 нафар ёшлардан 4697 нафари, 8721 нафар касб-ҳунар коллежлари битирувчиларидан 2740 нафари, 10170 нафар аёллардан 3368 нафари ишга жойлашиш учун йўланма олдилар. Бу шунчаки оддий

рақамлар эмас, балки уларнинг ортида ҳамюртларимизнинг тақдири, турмуш фаровонлиги ўз ифодасини топанлиги билан эътиборлидир. Вилоятимиз туманларида ўтказилаётган семинар-тренинглар ҳамда маҳаллаларимизда фаолият олиб бораётган маслаҳат марказлари томонидан амалга оширилаётган ишлар ўзининг ижобий самарасини бермоқда.

— Маслаҳат марказлари хусусий тадбиркорликни ривожлантиришда ўзига хос мактаб вазифасини ўтамоқда, — дейди Қибрай туманидаги

Байтўрғон маҳалласининг диний маърифат ва маънавий-ахлоқий тарбия масалалари бўйича маслаҳатчиси Дилором Салимова. — Олти юз нафарга яқин оила истикомат қиладиган маҳалламизда ўтган йили 45 нафар эҳтиёжманд оила-



римиз мавжуд эди. Бу йил бошидан бу кўрсаткич икки нафарга тушди. Сабаби, маҳалламизда маслаҳат маркази ташкил этилган бўлиб, бу ерда меҳнат бўлимининг тургун инспекторлари ёрдамида иш билан банд бўлмаган маҳалладошларимизга ҳар ойнинг бошида янги бўш иш ўринлари ҳақида маълумот берилади. Аҳолининг талаби ва қобилиятини ўрганиб, ишга жойлаштириямиз. Аёлларимизнинг бирортасини ишсиз, деб бўлмайди. Чунки ҳар бири қўлидан келганча рўзгорининг фаровонлиги учун меҳнат қиляпти. Маҳалламизда яшайдиган бир аёл ўз ҳовлисида кўкат етиштириб, бозорда арзон нархда сотарди. Иш стажида эга бўлиши учун қандай йўл тутуши кераклиги ҳақида маслаҳат сўраб келди.

Бандликка кўмаклашиш ва аҳолини ижтимоий муҳофаза қилиш марказининг туман бўлимига мурожаат қилиб, бу аёлга меҳнат дафтараچиси очдик. Энди унга деҳқон бозори сотувчиси деган вазифа билан иш стажига ёзилади. Янги тушган келинларимиз тиббиёт ҳамшираси бўлса-ю, бу соҳада иш ўрни бўлмаса, уларни иккинчи касби — тикувчилик ёки қандолатчилик

йўналишида иш билан банд этишга ҳаракат қиляпмиз. Ёш болаларнинг тарбияси билан машғул бўлиб ўйда ўтирган аёлларимизни касаначилик, тадбиркорлик ишларига йўналтирмоқдамиз. Худудимизда ташкил этилган «Болалар тагликлари» МЧЖ томонидан айни дамда 15 нафар аёл ва 10 нафар йигит иш билан таъминланди. Бекобод туманидаги Ўзбекибод маҳалласида ҳам бу борада ибратли ишлар қилинмоқда.

— Маҳалламизда 13 та хусусий корхона, 14 та маиший хизмат кўрсатиш шохобчалари, 6 та фермер хўжалиги мавжуд, — дейди маҳалла маслаҳатчиси Рисолат Юсупова. — Бизда хунармандчилик яхши ривожланган. Маҳалламиздаги сандиқсоз уста Ортиғали ака Сотволдиев дурадгорлик, сандиқчилик, эшик-дераза ва бошқа буюмлар ясаш билан бирга 5 нафар ёшлар учун иш ўрни яратган. Шунингдек, уларга миллий хунармандчилигимиздан сабоқ бериб, устоз-шоғирдлик аънанасини давом эттирмоқда. Маҳалладошларимиз томорқадан самарали фойдаланишади. Йилнинг тўрт фаслида ҳам аҳоли дастурхонидан мева-сабзавотлар узилмайди. Иш билан банд бўлмаган маҳалладошларимиз мавсумий ишларда кўмакчи сифатида фермер хўжалиқларимизга бириктирилади.

— Биз ҳам ўзимиз истикомат қиладиган «Гулистон» маҳалласидаги маслаҳат маркази билан доимий ҳамкорликни йўлга қўйганмиз, — дейди «Зафар тараққиёт Бизнеси» хусусий корхонаси раҳбари Икромхон Акбаров. — Корхонамиз юз турдаги қурилиш молларини аҳолига етказиб беришга ихтисослаштирилган. Уч нафар ёшлар доимий ва икки нафари мавсумий иш билан таъминланган. Ўтган йили Халқ банкнинг туман бўлимида 70 миллион сўм миқдорда кредит олгандик. Айни кунда шу сармоя билан корхонамизни янада кенгайтириш ҳаракатидамиз. Бу йил ҳам шу банкдан 90 миллион сўм миқдорда кредит олишни режалаштирганмиз. Насиб этса, бу маблағни савдо-сотикни ривожлантиришга йўналтирамиз. Барча қулайликларга эга тўйхона қуриб, маҳалладошларимиздан 8 нафарини ишга жалб этмоқчимиз. Тадбиркорликни ривожлантириш учун турли банк вакиллари билан коллеж битирувчилари ва маҳалла фаоллари иштирокчи семинар-тренинглар, учрашувлар ўтказиб борилмоқда. Буларнинг ижобий самараси эса туманамизда хусусий тадбиркорлик ва оилавий бизнесни ривожлантириш, аҳолини иш билан таъминлаш борасидаги ютуқларимизда яққол кўринмоқда.

Нигора ЎРОЛОВА,
«Оила ва жамият» муҳбири,
Тошкент вилояти.

СОҒЛОМ ОИЛА — СОҒЛОМ ЖАМИЯТ

Самарқанд шаҳрида вилоят хотин-қизлар кўмитаси, «Маҳалла» хайрия жамоат фонди ҳамкорлигида ташкил этилган тадбирда ҳудуд аҳолиси ўртасида соғлом турмуш тарзини тарғибот этиш, маҳалла ва оилалардаги ижтимоий-маънавий муҳит барқарорлигини таъминлаш каби долзарб масалалар хусусида атрофлича сўз юритилди.

Давлат ва жамоат ташкилотлари, маҳаллалар, олий ўқув юртлири, таълим ва тиббиёт муассасалари, диний идоралар билан биргаликда олиб борилаётган ибратли ишлар таҳлил этилди.

Тадбирда Ўзбекистон Республикаси Бош вазирининг ўринбосари, Республика Хотин-қизлар кўмитаси раиси Э. Боситхонова сўзга чиқди.

УНУТИЛМАС САЁХАТ

«Соғлом авлод учун» халқаро хайрия жамғармаси юртимиздаги кўп болали ва кам таъминланган оилалар, ногиронлар ҳамда Меҳрибонлик уйлари, махсус мактаб-интернатлар тарбияланувчиларини қўллаб-қувватлашга қаратилган дастурлари доирасида маданий-маърифий ва хайрия тадбирларини амалга ошириб келмоқда.

Яқинда жамғарма «Ўзбекистон темир йўллари» ДАТК ҳамда Халқ таълими вазирлиги билан ҳамкорликда пойтахтимизда жойлашган 22-, 23- ва 30-сонли ҳамда Тошкент вилоятидаги 14- ва 15-сонли Меҳрибонлик уйлари учун Самарқанд шаҳрига бир кунлик саёхат уюштирди.

— «Она Ватан тарихи» шiori остида уюштирилган ушбу сафардан кўзланган мақсадимиз, нафақат болажонларнинг қишки таътил кунларини мазмунли ва мароқли ўтказиш, балки, уларни маданий меросимизни асраб-авайлашга ўргатиш, тарихий қадамжолар ҳамда диққатга сазовор жойлар билан таништиришдир, — дейди «Соғлом авлод учун» халқаро хайрия жамғармаси бош мутахассиси Аббосжон Эргашев. — Саёхат давомида болалар қадимий Самарқандда жойлашган ноёб меъморий обидалар, истиклол йилларида барпо этилган мухташам иморатлар, маданий-маърифий иншоотлар, сайлгоҳ ҳамда боғларни томоша қилишди.

Барно МИРЗААХМЕДОВА,
«Оила ва жамият» муҳбири.

Пойтахтимиздаги «Ўзэкспомарказ» мажмуасида Ўзбекистон Республикаси Давлат солиқ кўмитаси ташаббуси билан Молия вазирлиги ва Бош прокуратура ҳамкорлигида беш кунлик кўргазмалар семинари ташкил этилди. Мазкур тадбир давомида тадбиркорлик субъектлари вакиллари, солиқ ва бюджет сиёсатининг 2014 йилги асосий йўналишларидан келиб чиқиб, солиқ қонунчилигига киритилган ўзгариш ва қўшимчаларнинг маз-

КЎРГАЗМАЛИ СЕМИНАР

мун-моҳияти билан батафсил танишадилар. Шунингдек, иштирокчилар республикамиз солиқ ва бюджет тизимидаги ўзгаришлар ҳақида ва ўзларини қизиқтирган саволларига Давлат солиқ кўмитаси, Молия вазирлиги, Бош прокуратура, Бош прокуратура ҳузуридаги Солиқ, валютага оид жиноятларга ва жиноий даромадларни легаллаштиришга қарши курашиш

департаменти ҳамда бошқа тегишли ташкилотлар мутасаддиларидан батафсил жавоб олишлари мумкин.

Таъкидлаш жоизки, ўтган йилнинг охирида солиқ ва бюджет сиёсатининг асосий йўналишлари доирасида бир қатор муҳим ҳужжатлар қабул қилинди. Президентимизнинг 2013 йил 25 декабрдаги «Ўзбекистон Республикасининг 2014 йилги асосий макроектисодий

кўрсаткичлари прогнози ва Давлат бюджети параметрлари тўғрисида»ги қарори шулардан бири бўлиб, ушбу ҳужжатга биноан, жумладан, жисмоний шахслардан олинadиган даромад солигининг қуйи шкаласи бўйича солиқ ставкаси 8 фоиздан 7,5 фоизга туширилди.

Дарҳақиқат, кейинги йилларда мамлакатимиз солиқ қонунчилиги янада такомиллашиб бормоқда. Амалиётга татбиқ этилаёт-

ган кўплаб ўзгаришлар юртимизда ишбилармонлик муҳитини янада яхшилаш, тадбиркорлик фаолиятини ривожлантириш, айниқса, кичик бизнес ва хусусий тадбиркорлик субъектларини қўллаб-қувватлаш учун кенг йўл очаяпти.

Тадбирда Олий Мажлис Қонунчилик палатаси депутатлари, Сенат аъзолари, Адлия вазирлиги, Давлат Бошхона кўмитаси ҳамда бошқа вазирлик ва идораларнинг масъул ходимлари иштирок этмоқдалар.

Ўз мухбиримиз

БУ КУНЛАРНИНГ ФАЙЗИ БЎЛАКЧА



Давлатимиз Куролли Кучлар барпо этилаётган дастлабки кунларданок ҳарбий хизматчилар ва уларнинг оилалари ижтимоий ҳимоясига устувор вазифалардан бири сифатида қараб келмоқда. Йилдан-йилга ҳарбий хизматчилар ва уларнинг оила аъзоларини ижтимоий муҳофаза қилиш тизими такомиллашиб бормоқда. Айни кунда ҳарбий хизматчиларнинг каттагина қисми замонавий шарт-шароитларга эга бўлган турар жойлар билан таъминланган.

... Юкори Чирчиқ туманидаги Истиклол кўчаси. Олисолиддан ҳам тиниқ ранглари, шинам уй-жойлари, миллий ва замонавий архитектура уйғунлигида барпо этилган савдо ва спорт мажмуалари, ташқи кўринишининг ўзиданок юз-кўзингизга табассум югурадиган болалар майдончаси кўзингизни қувнатиб кўриниб туради. Айни киш чилласи бўлишига қарамадан, бу ерда баҳор таровати ҳам сезилади. Яшил нинабаргли дарахтлар, қор кўрпаси остидан мўралаяб турган яшил майсалар, қиш совуғини писанд қилмасдан йил этган офтобга юз тутиб турадиган капалак гуллар, тунни ҳам кундуз каби ёритиб турадиган чироклар — буларнинг барчаси Истиклол кўчасига, ҳовлиларига алоҳида кўрк бахш этиб турибди.

Сержант Машраб Абдуллаевнинг хонадони ҳам шу кўчада жойлашган. У рафиқаси Зилола билан уч фарзандни тарбиялаб вояга етказишяпти. 2014 йилни улар янги уйда қаршиладилар. Бу галги янги йил аввалгиларидан тамоман фарқ қилди. Шу кун уларникига ота-

аналари, опа-сингиллар, яна кўплаб қариндошлар тўпланишди.

— Кувончимни сўз билан ифодалаб беролмайман, — дейди сержант М.Абдуллаев. — Болалигим боғ-роғли Жомбой туманида ўтган. Шунданми, боғларни яхши кўраман. Дарахтлар, экинлар, ноёб гуллар парваршига қизиқаман. Кўчиб келмасимиздан аввал булар ҳақида ўйлаб кўйганман. Мана, энди хизматдан бўш вақтларимда қизиқишларимни юзага чиқаришим мумкин. Бунинг яхши томони шундаки, бу ишлар болалар билан биргаликда бажарилади. Бу ҳам тарбия, ҳам кўнгилли ҳордиқ деганидир.

“Янги уйга кўчиш оилангиз иқтисодига бироз қийинчилик келтиргандир-а”, дея сўраймиз.

— Асло, — деган қисқа жавоб бўлди. — Шуни алоҳида таъкидлаб ўтишим лозимки, турар жойни ижарага олиб яшаган вақтимизда ҳам ҳар ойлик компенсация тўловлари мен ва оила аъзоларим учун тўлаб борилган. Бундай ғам-хўрликни намунавий лойиха асосида барпо этилган уй-жойга эга бўлганимизда янада чуқурроқ ҳис қилдик. Узоқ муддатли ипотека кредитлари асосидаги уй-жойнинг бошланғич 25 фоиз маблағи Мудофаа вазирлиги томонидан тўлаб берилди. Бу бизга катта энгиллик берадиган салмоқли ёрдамдир. Мана, қаранг-а... — У шундай деб кўпроқ рақамлардан иборат шартнома билан бизни таништира бошлади...

— Ховлимизга илк марта кирганимда жуда ҳаяжонланиб

кетдим, — дейди Машрабнинг рафиқаси Зилола. — Жуда нурили, файзли кўринган, ҳозир ҳам шундай. Ошхонаси кўнглимдагидек, кенг, ёруғ. Болалар хонасини айтмайсизми... Шундай уй-жойларда яшаш, яқинларингни, азиз меҳмонларингни кутишинг ўзи бир саодат.

Ана шундай шукуҳли кунларда фарзандлар қувончига шерик бўлиб ўтирган ота-аналарни ҳеч кузатганмисиз? Уларнинг мамнунлиги, шукрона айтиб ўтиришларини кўриб, беихтиёр “Хар кимга ҳам шундай кунлар насиб этсин”, дейсиз.

Машрабнинг отасини исми Ўлжабой. Шундай исм билан уни яқинларидан бошқа ҳеч ким танимайди. Аммо уста Абдусоли десангиз, деярли бутун жомбойликлар танийди. Келинг, яхшиси, уста Абдусоли аканинг дил сўзларини тинглайлик:

— Бугун ўғлимнинг уй-жойларини кўриб, онаси билан иккимиз жуда хурсанд бўлдик. Ўзим ҳам устаман. Бу хунарни жуда эрта ўрганишни бошлаганман. Етимликда ўсдим. Оқ-ҳх, у кунларнинг армони... айтган билан тугамайди. Кийимларимнинг увадаси чиқиб юрардим. Мактабда ҳеч ким мен билан ўтиришни хоҳламасди. Ҳозир эсласам, эртакам ўхшайди: уйнинг ўртасидан чуқур қавлаб, ўт ёқиб исинардик. Теласи тутун чиқиб кетиши учун очик қолдирилди. Ха-аа... у кунлар ўтди-кетди. Раҳматли Аҳмадқул бобога шогирд тушиб, хунаримнинг орқасидан одамларга ўхшаб яшай бошлаганман. Шукур, фарзандлар кўрдим, ўн беш набиранинг бобосиман. Инсон борки, болалари ундан кўра бахтлироқ, тўқисроқ яшагини орзу қилди. Мана, ўғлим Машрабга берилган уй-жойларни кўринг. Буларни кўриб, фарзандимдан кам қувонмадим. Юрт учун хизмат қилган одам ҳеч қачон кам бўлмайди.

Ватан ҳимоячилари кунги байрами бу — аёлим билан менинг ҳам байримиз, ўғил-қизи юрт ҳимоясига бел боғлаган барча ота-аналарнинг байрами. Кутлуг айём барча юртдошларимизга муборак бўлсин!

Инобат ИБРОҲИМОВА,
журналист.

Кеча мамлакатимизда кенг нишонланган Ватан ҳимоячилари кунги байрамининг кўтаринки шукуҳи юртимиз бўйлаб давом этмоқда.

Самарқанд шаҳрида Ватан ҳимоячилари кунги муносабати билан ўтказилган тадбир халқимизнинг ўз армиясига эътибор ва ишончи юксак эканлигини яна бир бор намоён этди.

Аёлга, онага ҳурмат, эҳтиром азалдан халқимизга хос хусусият. Катта-ю кичик уларни улуглашга, қадрлашга интилади, ёшларга шу руҳда тарбия берилади. Юртимизда 14 январь — Ватан ҳимоячилари кунги муносабати билан жойларда ҳарбий хизматчилар оилалари, оналарига ҳурмат ифодаси сифатида турли тадбирлар ўтказилганлиги ҳам шу қадриятларимизнинг ёрқин ифодаси бўлмоқда.

Вилоят ҳокимлиги томонидан ўтказилган «Аскар оналарига эҳтиром» деб номланган тадбир кўпчилигининг қалбидан чуқур жой олди.

Регистон майдонида Қашқадарё, Бухоро, Жиззах вилоятларидан ташриф буюрган, шунингдек, фарзандлари бошқа вилоятларда ҳарбий хизматни ўтаётган самарқандлик оналар кенг жамоатчилик вакиллари томонидан кутиб олинди. Самарқандда хизмат қилаётган аскарлар шу муаззам майдонда волида муҳтарамалари билан дийдор кўришдилар. Қишнинг совуқ об-ҳавосига қарамай, оналар ва аскар ўғилларнинг дийдорлашуvidан илиқ бир ҳарорат пайдо бўлгани бу ерда тўпланган ҳар бир иштирокчини хушнуд қилди.

СИЗ ТИНЧЛИКНИНГ АСКАРЛАРИСИЗ!

— Оддий аскар оналарига кўрсатилган бундай катта эҳтиромдан бошим кўкка етди, — дейди Бухоро вилояти Ромитан туманидан келган Раъно опа Бозорова. — Ўғлим Илҳом Ҳасанов, мана ўн ойдирки, муддатли ҳарбий хизматни ўтамоқда.

Ёдимда, илгарилари амакиларимиз армиядан қайтишини оналаримиз юрак ҳовучлаб кутишарди. Уларнинг тўрт мучаси соғ келишини тилай-тилай умидвор бўлишарди. Бугун ўғлимнинг қарийб бир йил ичида шижоати қайноқ бир йигит бўлиб қолганидан жуда хурсандман. У келгусида ҳарбий бўлишни орзу қилаяпти. Унинг ниятлари амалга ошишини, билимларини мустаҳкамлаб, Ватан учун керакли инсон, она юртимизнинг чинакам ҳимоячиси сифатида хизмат қилишини тилаймиз.

Тадбир қатнашчилари учун Самарқанддаги тарихий обидаларга зиёрат уюштирилди. Соҳибқирон бобомиз Амир Темури хайкали пойига гуллар қўйилди.

— Бугун замон талабларига кўра профессионал армияни шакллантириш юзасидан кенг қўламли ишлар олиб борилаётган, — дейди Самарқанд гарнизони офицерлар уйи бошлиғи, майор Ринат Фатхудинов. — Аскарларнинг ҳар томонлама дунёқараши кенг, жисмонан бақувват бўлиб таълим-тарбия олишлари учун қисмлар замонавий асбоблар билан жиҳозланган, компьютер жамланмалари билан таъминланган. Аскарларнинг ота-аналари билан кўришишлари учун онлайн мулоқотларнинг ҳам йўлга қўйилаётгани қувонарлидир.

Тадбир давомида «Нуроний» жамғармаси вилоят бўлими, «Камолот» ЁИҲ вилоят кенгаши, шахар ҳокимлиги томонидан муддатли ҳарбий хизматни аёло даражада ўтаётган аскарлар оналарига эсдалик совғалари ва ташаккурномалар тақдим этилди.

Шу кунги тўқин дастурхон атрофидаги давра оналарнинг дил изҳорлари, аскар ўғилларнинг куй-қўшқларию, юртимиз тинчлиги йўлида саъй-ҳаракат қилаётган ҳарбий хизматчиларга самимий тилақлар билан уйғунлашиб кетди.

Гулрух МҶМИНОВА,
“Оила ва жамият” муҳбири.
Самарқанд вилояти.

ҚУВОНЧЛИ БАЙРАМ ШУКУҲИ

Бу йил Ватан ҳимоячилари кунги мамлакатимизда “Ўзбекистон — ягона Ватаним!” шиори остида ўтаётганлиги барча юртдошларимизни қувонтирди. Анъанага кўра, Тошкент вилоятининг Ўрта Чирчиқ туманида ҳам Ватан ҳимоячилари кунига бағишлаб “Юрт ўғлони, сенга шараф-шон” деб номланган маънавий-маърифий тадбир ўтказилди.

Мард ўғлонларни тарбиялаб Ватан ҳимоясига йўллаган азиз инсонларни эъзозлаш, уларга ҳурмат-

эҳтиром кўрсатиш, шунингдек, миллий армиямизда олиб борилаётган изчил ислохотлар, муддатли ҳарбий хизматчиларга яратилган шарт-шароитлар ва хизмат жараёни билан уларни яқиндан таништириш мақсадида мазкур тадбир туман ҳокимлиги, хотин-қизлар кўмитаси, “Маҳалла” жамоат фонди ҳамда маънавият ва маърифат марказининг туман бўлиmlари ҳамкорлигида ташкил этилди.

Эътиборли жиҳати, ушбу тадбирга Ўрта Чирчиқ туманидан ҳарбий хиз-

матга юборилган аскарларнинг оналари, Иккинчи жаҳон уруши қатнашчилари, байналмилалчилар, туман мудофаа ишлари бўлимининг меҳнат фахрийлари ва ҳарбий қисм вакиллари тақлиф этилди.

Маросимда Ўрта Чирчиқ тумани ҳокими Бектемир Ибрагимов ҳамда ҳарбий қисм командирлари, фахрийлар сўзга чиқиб, ўғлонларимиз учун мамлакатимиз Куролли Кучлари сафида хизмат қилиш нафақат конституциявий бурч, балки юксак мақсад, она Ватанимизга чуқур меҳр-муҳаб-

бат, энг муҳими, том маънодаги шоншараф ишига айланганини, армияда йигитларимиз ҳарбий мутахассисликларини пухта эгаллаш билан бирга, маънан ва жисмонан чиниқиб, иродаси тобланиб, юрт ҳимоясига доимо шай, ватанпарвар инсонлар бўлиб камол топаётганлигини алоҳида таъкидлашди. Шундан сўнг ўз хизмат вазифаларини шараф билан ўтаётган мард ва жасур аскар йигитларнинг ота-оналарига фахрий ёрлик, ташаккурномалар тантанали суратда топширилди.

Мафтуна ЮСУПОВА,
ЎзМУ талабаси.



O'ZSANOATQURILISHBANK

РЕКЛАМА ЎРНИДА

БАЛИҚ МАҲСУЛОТЛАРИ ЕТИШТИРУВЧИ ТАДБИРКОРЛАР САФИ КЕНГАЙМОҚДА

Ҳозирги кунда мамлакатимизда яратилган қулай ишбилармонлик муҳити иқтисодийнинг барча тармоқлари жозибдорлигини ошириб, жумладан, қишлоқ жойларда озиқ-овқат маҳсулотларини етиштириш саноати салоҳиятининг юксалишига ҳам хизмат қилмоқда.

Президентимизнинг 2009 йил 26 январдаги "Озиқ-овқат товарлари ишлаб чиқаришни кенгайтириш ва ички бозорни тўлдиришга доир қўшимча чора-тадбирлар тўғрисида"ги ПҚ-1047-сонли қарори бу соҳада фаолият кўрсатувчи тадбиркорларга янада кенг имкониятлар очиб берди.

Айниқса, бу борада тижорат банклари томонидан имтиёзли шартлар асосида ажратилаётган кредит маблағларининг ўрни каттадир.

Жумладан, "Ўзсаноатқурилишбанк" ОАТБ томонидан кичик бизнес субъектларига 2013 йилда олдинги йилга нисбатан 1,3 баробарга оширган ҳолда — 493,9 млрд. сўм миқдорда кредит маблағлари, 48,8 млрд. сўм миқдорда микрокредит маблағлари ажратилди.

Шунингдек, банк томонидан юртимизнинг барча жабхаларида озиқ-овқат маҳсулотлари ишлаб чиқарувчи кичик бизнес субъектларини кредитлаш йўли билан қўллаб-қувватлашда кенг қўламли ишлар олиб борилмоқда. Шу билан бирга, балиқчилик фаолиятини ривожлантиришга ҳам алоҳида эътибор қаратилмоқда. 2013 йилда банк томонидан 1,0 млрд. сўмдан ортик миқдорда балиқчилик фаолиятини ривожлантириш учун кредит маблағлари ажратилди.



Зеро, балиқ маҳсулотларининг инсон саломатлиги учун фойдаси бекиёсдир. Тиббиётда инсон организмидаги юрак, мия, суяк ва бошқа бир қатор муҳим аъзоларнинг фаолиятини яхшилаш учун балиқ маҳсулотларини ҳафтада 2-3 марта истеъмол қилиш тавсия қилинади.

— Кичик бизнес субъектларига яратилаётган шарт-шароитлар ва уларга берилётган имкониятлардан унумли фойдаланган ҳолда "Ўзсаноатқурилишбанк" ОАТБнинг Бухоро минтақавий филиалига балиқчилик фаолиятини ривожлантириш мақсадида кредит маблағлари сўраб мурожаат қилдик. Жамиятимиз томонидан зарур ҳужжатлар, бизнес режа ва кредит учун таъминот тақдим қилингандан сўнг, қисқа муддатда 150 млн. сўм миқдорда имтиёзли фойзаларда кредит маблағлари ажратилди. Ушбу кредит маблағлари ҳисобидан Олот туманидаги Чорбоғ КФЙда бир гектар майдонга ҳовуз ташкил қилиниб, 4 та ишчи ўринлари ташкил қилишга эришилди. Ҳозирда, жамиятимиз томонидан аҳолига йилга 48 тонна балиқ етиштирилиб берилмоқда, — дейди "Жавоҳир-Мирзо саховат балиғи"

МЧЖ раҳбари Мирзакул Итолмасов.

— Корхонамиз "Ўзсаноатқурилишбанк" ОАТБнинг марказий амалиёт минтақавий филиалидан олинган 60 млн. сўм миқдорда имтиёзли фойзалардаги кредит маблағларидан фойдаланиб, 45 гектар майдонда балиқ етиштиришга мўлжалланган сув ҳавзаси барпо этилди. Жамиятимиз томонидан ҳозирда аҳолига йилга 12 тонна балиқ етиштирилиб, йиллик 33 млн. сўмдан ортик даромад олинмоқда. Энг қувонарлиси, ушбу лойиҳамиз амалга ошириш натижасида қўшимча 6 та янги ишчи ўринлари ташкил қилишга эришилди, — дейди Сирдарё вилоятининг Бобўвут туманида фаолият кўрсатувчи "Boyovut Balig'и" МЧЖ раҳбари Рустам Тошматов.

— Бизнинг "Turganbay Teristamgali" масъулияти чекланган жамиятимиз Қорақалпоғистон Республикасининг Қўнғирот туманида балиқчилик фаолияти билан шуғулланади. "Ўзсаноатқурилишбанк" ОАТБнинг Қўнғирот филиалига балиқчилик фаолиятини ривожлантириш мақсадида кредит маблағлари сўраб мурожаат қилдик. Жамиятимиз томонидан зарур ҳужжатлар, бизнес режа ва кредит учун таъминот тақдим қилингандан сўнг, қисқа вақтда 30 млн. сўм миқдорда имтиёзли фойзаларда кредит маблағи ажратилди. Ушбу кредит маблағлари ҳисобидан туманда 7 гектар майдонда ҳовуз барпо этилиб, 4 та янги ишчи ўрни яратилди. Аҳолига йилга ўртача 6,5 тонна сазан ва оқ-амур балиқларини етиштириш режалаштирилган, — дейди корхона раҳбари Турғонбой Бекмуратов.

Таъкидлаш жоизки, кичик бизнес ва хусусий тадбиркорлик фаолияти бугун мамлакатимиз иқтисодиёти таянчи, халқимиз фаровонлигининг муҳим қафолатига айланди. Ички бозорни рақобатбардош ва сифатли маҳсулотлар билан тўлдириш, янги иш ўринлари яратиш, аҳоли даромадларини кўпайтиришда мазкур соҳанинг ўрни ва аҳамияти кундан-кунга ошиб бораётгани бунга ёрқин мисолдир.

"Ўзсаноатқурилишбанк" ОАТБнинг Кредит операциялари департаменти




Таҳририятга хат

УНДИРИЛМАГАН ҚАРЗ

Таҳририятга Тошкент шаҳар «Олой матлубот савдо харид сервис» масъулияти чекланган жамияти (МЧЖ) директори Б. Латиповдан хат келди. Унда, жумладан шундай дейилган:

«2012 йил 25 сентябрда жамиятимиз билан Қибрай туманидаги «Pan Energo» МЧЖ ўртасида қишлоқ хўжалик маҳсулотларини сотиш юзасидан №49-сонли шартнома имзоланди. Шартнома асосида «Pan Energo» МЧЖга биз томонимиздан 137,2 млн. сўмлик 100 тонна гуруч етказиб берилди. Келишувга қўра, етказилган маҳсулот пули бир ой ичида бизга тўлиқ тўлаб берилиши лозим эди. Лекин харидор бор-йўғи 20 миллион сўмлик маҳсулот пулини тўлагандан сўнг қолганини пайсалга сола бошлади. «Бугун-эртага тўлаймиз», «Ҳисобимизда пул йўқ, бўлиши билан ўтказиб юборамиз», «Яна озгина сабр қилинг» — ҳуллас, бундай баҳо-



наларнинг қанчаси айтилмади дейсиз. Аммо қарз тўловидан дарак бўлмади. Охири хўжалик судига даъво аризаси киритишимизга тўғри келди.

Тошкент вилоят хўжалик суди 2012 йил 27 декабрь кунги ҳал қилув қарори билан даъвомизни тўлиқ қаноатлантирди. Суд қарорига асосан жавобгар — «Pan Energo» МЧЖдан корхонамиз фойдасига 117.200.000 сўм асосий қарз ва 14.650.000 сўм миқдордаги пеня, жами 131.850.000 сўм ундирилиши белгиланди. Суд қарори қонуний кучга кириб, ижрога йўналтирилганига мана бир йилдан кўпроқ вақт ўтди. Лекин қарз суммаси ундирилгани йўқ. Суд қарорининг ижроси таъминланмаяпти. Натижада ундирилмаган қарз кейинги фаолиятимизни ташкил қилишга акс таъсирини ўтказаяпти. Илтимос, суд қарори ижросини амалга оширишда ёрдам кўрсатишингизни сўраймиз».

Таҳририят юқоридаги шикоят ариза юзасидан мутасадди ташкилотнинг муносабатини кутади, албатта. Келгуси сонларда ушбу мавзуга яна қайтамыз.

РЕКЛАМА • РЕКЛАМА • РЕКЛАМА • РЕКЛАМА • РЕКЛАМА • РЕКЛАМА • РЕКЛАМА • РЕКЛАМА

«ЎКТАМХОН-НУР» ўқув маркази

қунидаги ўқув курсларига тақлиф этади:

Тикувчилик — 3 ой.
Тўй ва оқшом либослари — 1-2 ой.
Аёллар костюм-шими, плаш-пальто — 1-2 ой.
Ҳамшира — 6 ой. 4 ойн ўқиш, 2 ойн амалиёт.
Ҳамшира (тезор) — 3-4 ой (амалиёти билан).
Тиббий массаж — 3 ой.
Торт ва пишириқлар — 2 ой.
Олий торт безатиш курси — 1 ой.
Уйгур, Европа таом ва салатлари — 2 ой.
Жаҳон таомлари — 2 ой.
Аёллар сартарошлиги — 3 ой.
Тўй ва оқшом турмақлари ва макияж — 1 ой.
Бухгалтерия ҳисоби — 3 ой.
Элита парда ва чойшаблар тикиш — 1 ой.

Элита парда ва чойшаблар тикиш олий курси — 1 ой.
Бичиш-тикиш, моделлаштириш ва малака ошириш — 1 ой.
Сартарошлик — 2-3 ой (ўғил болалар учун).
Тирноқ, киприк ўстириш ва дипелляция — 1 ой.
Каштачилик — 3 ой (машинада вышивка). Тўқувчилик — 3 ой.
Инглиз тили — 3 ой, рус тили — 3 ой, турк тили — 3 ой, корейс тили — 3 ой.
Бисер, яъни мунчоқ тикиш — 2 ой.
Декоратив гул ясаш — 1 ой. Сарпо қути ва саватлар ясаш — 1 ой.
Бисердан гуллар, дарахтлар ясаш — 2 ой.
Карвинг (мева ва сабзавотлардан композиция ясаш) — 3 ой.
Компьютер сабоқлари — 2 ой, Интернет — 1 ой.

Барчаси амалиёти билан. Ётоқхона мавжуд.

Ўқишни тугатганларга ДИПЛОМ бериллади.

МАНЗИЛ: Юнусобод тумани 3-мавзе 1-уй 31-хона.

МУЎЛЖАЛ: Юнусобод деҳқон бозори беш тарафи орқасида.

Тел: (8 371) 221-17-95, 221-77-72, +99894 678-50-30 225-97-93 (18⁰⁰ дан 22⁰⁰ гача).

ФИЛИАЛ МАНЗИЛИ: Ҳамза тумани Фарғона йўли кўчаси 4-уй 40-хона. МУЎЛЖАЛ: Қуйлик кийим бозори рўпарасида. ТЕЛ: (8371) 295-97-82, +99894 678-50-30 (қўндузи)

ТАБРИКЛАЙМИЗ!



Оиламизнинг сариштали келини Гулҳаёхон ҳамда авлодимиз давомчиси, дилбандимиз Шоҳжаҳон!



Сизларни тававаллуд кунларингиз билан чин дилдан табриклаймиз. Узоқ умр, бахту саодат ва баркамоллик ҳамроҳ бўлсин!

Хурмат билан Рустамовлар оиласи, Китоб тумани

Шу кунларда Ойнисанинг фикри-ёди қизнинг сепини тўқис қилишда бўлиб қолди. Жойи чиқса-ю, шартта узатиб юборса! Бу борада Зиёданнинг фикри бошқача: ўқисам, илмли бўлсам, дейди. Институтга кириш ниятида, китобдан бош кўтармайди. Шу боис, онаси мебель ҳақида гап очганида айрим тенгдошларидек қувониш ўрнига, қовоғи уюлди.

— Ая, ахир компьютер олишга келишгандик-ку?

— Келишсанг даданг билан келишгандирсан, менга темир-терсакининг кераги йўқ. Сенинг келажакингни ўйлапман!

— Ўша сиз ўйлаётган келажак учун ҳаракат қиляпман мен ҳам, аяжон! Компьютерим бўлсайди... Хориждаги институтлардан бирига интернет орқали имтиҳон топшириб кўрардим.

— Бас! — қизнинг гапини кесди она. — Компьютеринг мени қизиқтирмайди. Қиз болага интернетдан дунёга бўйлашни ким қўйибди. Ўқишга кирармишлар. Институтда ўқишинг учун ҳам фалон пул кетади. Ўша маблағга битта уйни ярақлатиб ясашиб, гүмбурлатиб тўй қиламан. Эй, мунча орзу-ҳаваси йўқ қизсан-а? Худди амаларингга ўхшайсан!

— Амаларимдек бўлсам жон дердим. Ҳаммаси олий маълумотли.

— Ҳой қиз, келин бўлиб тушган жойингда сендан биров дипломи сўрармиди. Ҳамма сепингга қарайди. Компьютеринг туради бир бурчада чанг босиб...

Она барибир "ғолиб" келди. Ҳар ким ўз ҳаракатини қилди. Ойниса сеп йиғди, Зиёда ўқишга кириш ниятида репетиторга қатнади. Устози ҳам унинг хориж тилларига иқтидорини сезди шекилли, шахсий компютериран фойдаланиб, интернетга уланишга рухсат берди.

Қиз орзулардан қанот боғлаб юрган кунларнинг бирида:

— Бошлғимиз ўғлини уйлантирмоқчи, — дея гап тупиб келди кўшниси Зуҳра. — Менга маслаҳат солгандай бўлувди, Зиёдани роса мақтадим. "Ўғлимга айтаман, бир учраштирамиз", деди.

— Ўзи тузуқкина оилами? — деб сўради Ойниса орзусидаги жой чи-

ЎҚИГАН ҚИЗНИ ИЗЛАНГ!

қаётганидан қувониб.

— Вой, нима деяпсиз, "тузуғ" ингиз нимаси, шаҳарда битта-ку бу Олимовлар! Ҳаммаси топармон-тутармон, ҳовли-жой, машина, э, қўйинг-ки, нима орзу-ҳавас бўлса, ўшаларда! Болалари жуда тарбияли, яхши жойларда ишлашади.

— Куёв бўлмиш-чи, шундан гапиринг!

— Неъматжоннинг фирмаси бор. Ўзиям суксурдек йигит. Топиши зўр, бизнесмен, лекин жуда мўмин-қобил бола.

Ойнисага бу номзод мойдек ёқиб тушди. Тўғри, бунгача ҳам уч-тўртта оғиз солганлар бўлди (қизи ҳам кўзга яқин-да!), аммо кўнгилдагиси энди чиқди. Қизининг бошига бахт қуши кўнгани рост бўлсин-да. Ойниса кун бўйи хаёлида қизини дабдаба билан узатди, ҳашаматли уйланиннг тўрида ўтирди... Кечга маҳал эса Зуҳраниннг гаплари ялтироқ тасаввурларини тумандек тарқатиб юборди.

— Ўртоқжон, шу десанг...

Бошлиқ тушмагур: "Энг асосийсини сўрамабман-у, қиз ўзи ўқиганми?" деб сўраб қолса бўладими! Хуллас, уларга олий маълумотли келин керак экан. Ўқимагани керакмас, дейишди...

Бундай талаб Ойнисаниннг етти ух-лаб тушигаям қирмаган эди. Ичидан эил кетди-ю, аммо ҳеч кимга сездирмади.

— Ҳм, савил, биз ҳам ўлиб турганимиз йўқ эди! Қизим энди ўн еттига кирди, ҳали ёш, муносиби топилар.

Шу-шу икки кўшни "бизнесмен куёв" ҳақида қайтиб гаплашишмади...

— Ая, аяжон, суянчи беринг! — Зиёданиннг шодон овози ҳовлини



қувончга тўлдириб юборди.

— Ҳай, нима гап, тинчликми ишқилиб? — ҳовлиқиб айвонга чиқди Ойниса.

— Интернет орқали имтиҳон топширувдим, ўқишга кирибман, аяжон! Гарвардда ўқийдиган бўлдим!

— Нима? — капалаги учди онанинг.

— Қанақа Гарбар?

— Гарвард деган университетга ўқишга кирдим деяпман!

Ойниса аввалига ҳангу-манг бўлиб туриб қолди. Сўнг миасига бир ўй яшиндек урилди-да, қизига дағдага қила кетди:

— Ҳо-о, дунёнинг бир бурчагида-дир ўша Гарваринг, қайси пулга борасан?

қулоғида "наушник" бўлса керак, деб ўйладим. Эътибор бериб қарадим у бу унинг телефондан ортирган одатларидан бири эканини фахмлаб қолдим.

Бугун аксариятимиз кундалик ҳаётимизни кўл телефонисиз тасаввур этолмаймиз. Минг афсуски, ундан фойдаланишда меъёрни унутиб, "сотка" га муккасидан кетаётган баъзи болалар (айрим катта ёшдагиларни-ку айтмай кўя қолайлик) ўзларининг қимматли, фанимат дам-вақтларини кўкка соураётгани етмагандек, сихат-саломатлигини ҳам бой бермаяптимикан, деган ўй мени жиддий безовта қилмоқда. Ишонасизми, ҳатто, мактаб, коллеж-лицей ўқувчилари орасида ўзларига берилган мустақил уй вазифаларини ҳам бир-бирларидан телефон орқали кўчириб олаётганлари борлигига нима дейсиз?

**Нилуфар
ЙУЛДОШЕВА,
Учқўприк тумани,
Гулистон қишлоғи,
Фаргона вилояти.**

Қиз эса ҳовлини гир айлаиб хандон отиб кулар, онасининг дашномини эшитадиган ҳолатда эмасди...

Зиёданиннг хориждаги олий ўқув юртига интернет орқали қабул қилинганидан ўша куниеқ хабар топган Зуҳра ишонасида бу ҳақда хабар тарқатди-ю, тақдир чархпалагини бошқа томонга айлантириб юборди: уч кун ўтиб бошлигининг хотини Гавҳарой билан Ойнисаникига совчиликка кириб келишди.

— Қизингизга харидор бўлиб келдик, айланай, — деди Гавҳарой, кутилмаган "ташриф"дан ҳайратда ўтирган Ойнисага илтифот билан.

— Қайдам, — каловланди Ойниса. — Қуда бўлса сизларчалик бўлар. Аммо бу қизим тушмагур чет элда ўқийман деб туриб олган, ҳали вақт бор, ўзи билан маслаҳатлашайин...

— Энди мениям эшитинг, бу ёғидан ташвиш тортманг, — қўлини кўксига қўйиб гапини бўлди Гавҳарой. — Биз томонларда ҳам худди шундай гап. Ўғлим ҳам, دادаси ҳам азза-базза олий маолумотли қиз толинг, деб оёқ тираб туришувди. Мен келин ахтариб, ўзимча тўй тадоригини кўриб юрган бир пайтда ўғлим хориждаги офисда иш юритадиган бўпқолди, денг. Роса бошим қотиб турувди. Зиёдахоннинг айнан ўша давлатдаги ўқишга кирганини айтмайсизми. Бу ҳам Яратганиннг инояти бўлса керакда. Бу орада ўғлим Зиёдахон билан тасодифан учрашиб қолибди. "Жуда яхши қиз экан", деб мақтагани-мақтаган... Хуллас, бизнинг маслаҳат пиши бўлди. Индаллоси шуки, розилик — сизлардан, ўқитиш — биздан!

— Қаранг-а, — дея Ойниса бир муддатлик сукутдан кейин эндигина гапиришга оғиз жуфтлаганида, Гавҳарой гап қотди:

— Қизингизни ақлли-хушли қилиб ўстирганиннгиз, шу ердан туриб хорижининг манаман деган олий даргоҳларига кўли етадиган даражада илмли бўлишига шароитлар яратиб берганиннгиз учун сизларга раҳмат!

Ойниса беҳитиёр нигоҳини ерга қадади. Кўзларига севинч ёшлари келди...

Гулчехра АСРОНОВА.

ОЙИ ЎРНИГА... "АЛЛО"

Яқин қариндошимизнинг ўғилчаси бир ярим туғилга тўлди. Болақайнинг туғилган куни муносабати билан муъжазгина дастурхон тузаб, бизни меҳмонга чақирдиши. Совгалар бериш маросимида Шерзоджоннинг жажжи кўлчалари бир олам ўйинчоқларга тўлиб кетди. Мен ҳам мулътфильм қахрамонларининг сурати туширилган чиройли китобча сотиб олгандим. Бизнинг эркатой Шерзоджонимиз эса мениннг совгани назар-писанд қилмадимки ёки тушунмадимки, ишқилиб, бир четда қолиб кетди. Энг ёқимли совгани боланиннг дадаси туҳфа қилди. Болақай бежиримгина кутинча ичидаги кўл телефонини кўриб, қийқариб юборди.

— Ҳозир бунни синаб кўрамиз. — Ёш ота шундай дея телефон уйнаб ўтирган ўғлига: "Қани, Шерзоджон, битта "ойи"

деб кўйинг-чи", деди. Телефон тугмачаларини босиб билан овора ўғил гўшакни қулоғи остига яқин олиб келиб, "алло" деди-ю, дадасининг кучоғидан тушиб, ичкари уйга чопиб кириб кетди. Унинг бу қилигини кўрган меҳмонлар бирданига олқишлаб қарсақ чалиб юборишди. Ўғилчасидан хурсанд бўлган ота эса:

— Кўрдингларми, бизнинг тойчоқ мана шунақа замонавий ўғил бола, — деди хурсанд бўлганини яшира олмай.

Қуни кеча ишдан қайтаётиб автобусда рўпарамда ўтирган ўн бир ёшлардаги болақайнинг тез-тез кўзини пирпиратиб кўяётганини кўриб хайрон бўлдим... Яна бир мактабдан қайтаётган қизчаниннг эса ўз-ўзидан бошини лиқиллатиб, худди рақсга ташаётгандек муқом қилаётгани ҳам ажаблантирди, олдинига

ТАҚДИРНИ АЙБЛАМАЙЛИК

...Хузуримизга келган бир йигит бир ярим йилча аввал уйланганлигини, фақат келин билан шаръий никоҳдан ўтишганини, яқинда фарзанди туғилганлигини, болага эса ҳали туғилганлик ҳақида гувоҳнома ололмаётганини айтди. Табиийки, биз нега шу вақтгача ноқонуний яшаш сабабини суриштирдик.

— Онаминг қариндошлари бошқа туманда яшайди, — деди у хижолат аралаш. — Биз оилада уч ўғилмиз, онам битта боламга қариндошимнинг қизини келин қиламан, деб ният қилган экан. Бу мениннг чечимга тушди. Разъимга қарамай, тоғамнинг қизига унаштиришди. Мен кескин қаршилиқ қилиб, қариндошга ўйланмаслигимни айтиб, ҳатто, икки йил бошқа шаҳарда ишлаб ҳам юрдим. Бу орада онам вафот этди, шундан сўнг бунда ўзимни айбдор сеза бошладим. Хуллас, уйга қайтдим ва тўйга розилик бердим.

Умр йўлдошим ақлли, фаҳм-фаросатли аёл, у билан тотув яшапман. Лекин фарзандимиз ногирон, у хозирги кунда шифокорлар назоратида. Улар бу ҳолни яқин қариндошлар ўртасидаги никоҳнинг оқибати, деб айтишди.

Икки ўт орасида қолдим, хотиним билан ажрашишга йигитлик

гурурим йўл қўймайди, қўлида ногирон боламиз бор, ахир. Бироқ, кейинги фарзандимиз туғилса, қандай бўлади, шунини ўйлаб ўйимга етолмаяпман...

Ҳар бир ота-она ўз фарзандига доимо яхшиликни раво кўради. Баъзи ота-оналар ўзи билмаган, сигналмаган қизни келин қилишдан кўра, кўз олдида катта бўлган энг яқин қариндошининг қизи (ёки ўғли) ни келин-куёвликка раво кўришди ва бунини яхшиликка йўйишади. Туғилмаж невараларининг соғлигини эса тақдирга ҳавола этган бўлишади. Шифокорларнинг таъкидлашича, бундай никоҳдан туғилган айрим фарзандлар рухий, генетик касалликларга чалиниш эҳтимоли юқори экан.

Бу каби нохуш ҳолатларнинг бошқа бир салбий жиҳати ҳам бор. Яъни яқин қариндошлар никоҳидан носоғлом туғилган болалар туфайли опа-сингиллар, ака-укалар алалоқибат юз кўрмас бўлиб кетишаётганига ҳам гувоҳимиз.

Шундай экан, ушбу долзарб масалада фарзандлар соғлигини тақдир измида деб ўз хатомиздан фориғ бўлишга ҳақимиз йўқ.

**Ойсара ХОЛИҚОВА,
Китоб туман
ФХДЁ бўлими инспектори.**



ИККИНЧИ ЕР САЙЁРАСИ

Аср бошидаги аjoyиб кашфиётлардан бири Ер сайёрасига ўхшаш сайёрадир. Чилидаги Анд тоғларининг тепасида жойлашган ўта кучли телескоп ёрдамида топилган «Иккинчи Ер»да бизни кўраётган ҳаётнинг мавжуд бўлиши учун жуда қулай муҳит бор экан. Сайёра атмосферага эга, эҳтимол океанлар билан қопланган, ундаги ўртача ҳарорат эса 0 билан 40 даража ораллигида. Шундай қилиб, ушбу сайёра узоқ самога қилинадиган келажак экспедицияларининг асосий нишони бўлади. Аммо олимлар Ерликлардан ҳам



кўра ўша сайёра мавжудотлари биринчи бўлиб биз билан мулоқотга киришишлари ҳам эҳтимолдан холи эмас дейишмоқда. «Иккинчи Ер» бизнинг сайёрамиздан ёши анча катта. Башарти унда тафаккурли ҳаёт вужудга келган бўлса, Ердагидан кўра анча ривожланган, биздан миллиард йиллар илгарилар кетган цивилизация бўлиши мумкин.

Янги Ер сайёраси Тарозу юлдузлар туркумида бўлиб, биздан узоқлиги 20 ёруғлик йилини ташкил қила-



ди. Бу сирли сайёра Ердан анча катта, унинг массаси заминимиз оғирлигидан беш баравар кўп. Шу боис гравитация ҳам Ерникидан 1,6 баравар кучли. Сайёрани ўз гардишида ушлаб турган Юлдуз бизнинг Кўёшдан эллик баравар совуқроқ ва хирароқ. «Иккинчи Ер» унга анча яқин масофада бўлганлиги сабабли, атиги, 13 кунда тўлалигича айланиб чиқади. 2020 йилда сайёрамиз орбитасига жуда кучли телескоп чиқарилиши режалаштирилган. Ана шундан сўнг янги кашф этилган номаълум сайёра атмосфераси таркибини аниқроқ ўрганиб чиқиш имконияти пайдо бўлади.

Наргиза СИДДИҚОВА
тайёрлади.



ОПА-СИНГИЛ ТЕНГИНИ ИЗЛАЯПТИ

— Бизлар Тошкент вилоятида яшаймиз, — дея сўз бошлади хонамизга бирин-кетин кирган қизларнинг тўнғичи. — Менинг исмим Нозима, 37 ёшдаман. Бу — синглим Севара, 36 ёшда.

Зарур ҳужжатларини топширишгач, бир-бирига қуйиб қўйгандек ўхшаш опа-сингилларни саволга тутди.

— Шифокорман, — дейди Нозимахон. — Тиббиёт институтида ўқиб юрган кезларим уйимизга роса совчилар сўраб келишган. Ўша пайтлари негадир турмушга чиқишга шошилмадим. Институтни тамомлаб, ишга шўнғиб кетдим. Кейинчалик уйланиб, оиласидан ажрашган, бир-икки нафар фарзандлари бор одамлар совчи кўя бошлашди. Уларни ҳам рад этдим. Аммо ёшинг улғайгани сайин, сила инсон учун қанчалик муҳимлигини англай бошларкансан. Устига-устак мен туфайли синглимнинг ҳам умри ўтиб борапти.

Яқинда бир ҳамкасбим «Оила ва жамият» газетасига муурожаат этишни маслаҳат берди. Олий маълумотли, ўзимдан беш-олти ёш катта инсон учраса, турмуш қуриш ниятим бор. Ажабмас, синглим иккимизга қўшалоқ бахт келса...

— «Бахтли бўлинг» саҳифаси орқали бир-бирини топаётган инсонлар ҳақида ўқиганимда жуда хурсанд бўламан, — дея гап бошлади тортинибгина ўтирган Севара. — Ўзимга қолса-ку, юрак ютиб бу ерга келолмасдим. Аммо опам кўярда-қўймай бошлаб келди. Шу пайтгача барча совчиларга опамдан олдин турмушга чиқмайман, деб рад жавобини берганман. Уй-жойи тайин, рўзгорни иқтисодий жиҳатдан таъминлай оладиган инсон учраса, оила курсам деган ниятим бор.

НОЗИМА, СЕВАРА,
Тошкент вилояти.

ОДАМ ОЛАСИ ИЧИДА ЭКАН

— Олтмиш беш ёшимда бунчалик панд ейман, деб ҳеч ўйламагандим, — дейди Сирдарё вилоятидан келган Бекмурод ота. — Қизим Саида бирин-

чи турмушдан бефарзандлик туфайли ажрашди. Тақдирига эндигина кўниккан пайти оиласи бузилган Соҳиб исмли бир киши билан танишди. «Хотиним билан қонуний ажрашганман», деб Соҳиб уйимизга совчилар юборди. Тўйдан олдин қизимга «Матиз» автомашинасини совға қилди. Буни кўриб, шошиб қолдимми, ёки нафсининг измига бўйсундимми, ишқилиб, суриштирмай-нетмай никоҳларига рози бўлдим. Куёвнинг «Ҳозирча шаръий никоҳ ўқитиб яшаб турайлик, хотиним билан қонуний ажрашганимдан сўнг, никоҳимизни расмийлаштираимиз», деган гапидан кейин ҳам ҳушёр тортмабман.

Қизим бояқишга бир йилгина бахтли ҳаёт кечириб насиб этди. Бир куни куёвнинг хотини икки боласини етаклаб келиб, «Ҳали эрим билан қонуний ажрашмаганман, уй меники», деб туриб олибди. Қизим ҳомиладор ҳолда билан яна уйимизга қайтиб келди. Неварам туғилгач, уни парвардиш-лашга ўзим қарашдим. Пойтахтдан икки хонали уй олиб бердим. Ҳозир тадбиркорлик билан шуғулланади. Топиш-тутиши ёмон эмас. Аммо менинг кўнглим нотинч. Бир оёғим Сирдарёда, бир оёғим Тошкентда. Қизимнинг бошида бир эркага бўлса, мен ҳам уйимда хотиржам ўтирардим.

Саиданинг ёши 34 да. Неварам Шаҳзодадон эса бу йил беш ёшга тўлади. Иймон-этиқодли, оиласи билан қонуний ажрашган, касби-кори тайин инсон бўлса, қизимни узатамиз.

БЕКМУРОД ОТА,
Сирдарё вилояти.

БИР МЕҲРИБОН БОРМИКАН?

Уч ўғлим ва бир қизим бор. Кенжатай ўғлим билан яшайман. Фарзандларимнинг ўз оиласи, уй-жойлари бор. Барака топишсин, ҳаммалари инсофли, диёнатли. Иссиқ-сувғимдан хабар олиб туришади. Фақат мени ёлғизлик қийнайди. Эрталаб невараларим ўқишга, ўғлим ва келиним ишга кетишади. Уйда бир ўзим ёлғиз қоламан. Ёшим 54 да. Турмуш ўртоғим оламдан ўтганига ўн тўрт йил бўлган. Бу йиллар давомида фарзандларимни ўқитиб, уйли-жойли қилишга интилдим. Тиним билмай ишладим. Ҳам ота, ҳам она бўлиб, рўзгор ки-

йинчиликларни енгдим. Болаларимга ҳалол лўқма едириб, катта қилдим. Энди эса ўзим бир дардқаш, меҳрибон инсонга муҳтобман.

ЗАМИРА АЯ,
Тошкент шаҳри.

ЁЛҒОНЧИ КУЁВ

«18 ёшимда онам оламдан ўтди, — деб ёзади Тошкент шаҳридан мактуб йўллаган Зебузар исмли қиз. — Онамдан кейин, амма-холаларим ҳам ўзлари билан бўлиб, бизни унуттишди. Синглим иккимиздан кўра, дадамга қийин бўлди. У киши ҳам ишлар, ҳам бизнинг тарбиямиз билан машғул бўларди. Эшигимизни қоқиб келган совчиларни кутиб олиш ҳам синглим иккимизга қолди. Онамиз йўқлигини билгач, кўпчилик совчилар қайтиб оstonамизни босмасди. Ёшим 28 га етганида уйимиздан совчиларнинг оёғи узилди. Бир куни Навоий вилоятидан келган йигит билан танишди қолдим. Оилада тўрт ўғилнинг кенжаси экан. Оилавий шароитимдан хабар топгач, менга уйланиб, пойтахтда ичқуёв бўлиб қолиш нияти борлигини билдирди. У дадамга суяниқ бўлар, деган умидда таклифини қабул қилдим. Ота-онасининг розилиги билан турмуш қурдик. Тўйдан сўнг белгиланган тартиб бўйича, бир йилдан кейин уни доимий рўйхатдан ўтказдик. Аммо кўп ўтмай унинг асли мударраси маълум бўлди. Арзиманган гапдан ҳам жанжал чиқара бошлади. Ота-онаси севган қизини олиб бермагани учун менга уйланиганини юзимга айтганида, жahl устида гапирди-да, деб эътибор бермадим. Сўнг кишлогига серқатнов бўлиб қолди. Гоҳида уч-тўрт ойлаб қолиб кетадиган одат чиқарди. Мен эса ҳомиладор аҳволимда уни кутиб ўтирардим. Кейин билсам, шу орада у навоийлик бир аёлга уйлانган экан. Ота-онаси уйимизга келиб ялинди, ёлворди, лекин отам бир сўзли одам бўлгани учун куёвини кечирмади. Ёлғончи, товламачи эр билан қонуний ажрашишга мажбур бўлдим. Ёшим 32 да. Маълумотим ўрта. Бир нафар ўғлим бор. Фарзандимни ўз боласидай кўриб, унга оталик меҳрини бера оладиган инсон билан оила қуриш ниятидаман».

ЗЕБУЗАР,
Тошкент шаҳри.

ҲОЙДАЛИ МАСЛАҲАТЛАР, ҲОЙДАЛИ МАСЛАҲАТЛАР

Қора рангли соябонларнинг ёмғирдан саргайган жойларини куюқ қора чой билан артсангиз, у ўз холига қайтади.

Қаҳва доғини кетказиш учун ойналарни ювишга мўлжалланган махсус сууюқлик билан сочиқни хўллаб доғни ишқаланг. Сўнг қийимни оқартирувчи кукун билан ювинг.

Ҳамиртурушнинг айнимаганлигини билиш учун қайноқ сувга унинг бир бўлагини солинг. У сув остига чўкса, демак, ишлатса бўлади.

Санчки ва пичоқлардаги зангни кетказиш учун уларни кесилган пиёз билан артиб, сўнг ювиб ташланг.

Лимон узоқ вақтгача ўзининг фойдали хусусият-

ларини йўқотмасдан, худди янги узилгандай сақланишини истасангиз, уни банкага солиб, қоққоғини яхшилаб ёпинг ва совуқ жойга олиб қуйинг.


С витамини тери рангини тиниқлаштириб, юздаги доғларни кетказишга ёрдам беради.

Дераза ойналарини унча иссиқ бўлмаган ва шамолсиз кунда ювсангиз, унда ортиқча доғлар қолмайди ва ялтириб турадиган бўлади. Ойналарни ҳеч қачон иссиқ сув билан ювманг.

Бир финжон қаҳва 5-10 дақиқа давомида қон босимини 15мм. симоб устунига ошириши мумкин.

Газланган ичимликлар, ҳид берувчи ва бошқа зарарли моддалар қўшилган ичимликлар хавфли ўсмалар пайдо бўлишига олиб келар экан.

Гулноза БОБОЕВА тайёрлади.



ИШ СТАЖИ ВА ПЕНСИЯ МИҚДОРИ

Пенсия тайинланишининг иш стаж миқдорлари билан боғлиқ белгиланган тартиблари ҳақида батафсилроқ маълумот берганмиз.
Дилноза МУРОДОВА.



Ўзбекистон Республикасининг "Фуқароларнинг давлат пенсия таъминоти тўғрисида"ги Қонунининг 7-моддасига асосан, ёшга доир пенсия олиш ҳуқуқига:

эркаклар – 60 ёшга тўлганда ва иш стажлари камида 25 йил бўлган тақдирда;

аёллар – 55 ёшга тўлганда ва иш стажлари камида 20 йил бўлган тақдирда эга бўладилар.

Ушбу Қонуннинг 8-моддасига асосан, пенсия тайинлаш учун етарлича иш стажига эга бўлмаган шахсларга ёшга доир пенсиялар ушбу Қонун 37-моддаси биринчи қисмининг "а", "б", "в" ва "г" бандларида назарда тутилган камида 5 йил иш стаж миқдоридан кам бўлган тақдирда, бор стажга мутаносиб миқдорда тайинланади.

Қонуннинг 37-моддасига асосан, қуйидагилар иш стажига кўшиб ҳисобланади:

а) фаолият тури, мулк ва ҳўжалик юритиш шаклларида қатъи назар, ходим давлат томонидан ижтимоий сурғурталанган ҳолда бажарган ҳар қандай иш, агар у Ўзбекистон Республикаси Молия вазирлиги ҳузуридаги бюджетдан ташқари Пенсия жамғармасига сугурта бадаллари тўлаган бўлса.

Ижодий фаолият билан машғул ходимларнинг иш стажини, башарти улар Ўзбекистон Республикаси Молия вазирлиги ҳузуридаги бюджетдан ташқари Пенсия жамғармасига сугурта бадаллари тўлаган бўлсалар, ижодий уюшмаларнинг бошқарувлари ана шу муаллифнинг асари эълон қилинган ёки биринчи марта жамоат олдидан ижро ёки намойиш этилган кундан эътиборан белгилайдилар;

б) ҳарбий хизмат ва партизан отрядлари ҳамда кўшилмаларида бўлиш, давлат хавфсизлиги органларида ва ички ишлар органларида хизмат қилиш;

в) идоравий бўйсунувидан қатъи назар, ҳарбийлаштирилган соқчиликдаги, махсус алоқа органлари ва тоғкон-қутқарув қисмларидаги хизмат;

г) яқка тартибдаги меҳнат фаолияти, шу жумладан яқка (гурухли) ижара шароитидаги ёки шахсий ёрдамчи, дехкон (фермер) ҳўжалигидаги фаолият — Ўзбекистон Республикаси Молия вазирлиги ҳузуридаги бюджетдан таш-

қари Пенсия жамғармасига сугурта бадаллари тўланган тақдирда;

д) 1 гуруҳ ногиронига ёки 16 ёшгача бўлган ногирон болага, шунингдек, ўзгаларнинг парваршига муҳтож бўлган (даволаш муассасасининг ҳулосасига кўра) 80 ёшга тўлган қарияларга қараб турилган вақт;

е) олий таълим муассасаларида, аспирантурада, стажёр-тадқиқотчи-изланувчилар институтида, докторантурада, катта илмий ходим-изланувчилар институтида ва клиник ординатурада кундузги ўқиш, шу жумладан чет элда ўқиш;

ж) бола 3 ёшга тўлгунча болани парвариш-лаш таътилларида бўлиш вақти, лекин ҳаммасини жамлаганда кўпи билан 3 йил;

Масалан, агар 30 йиллик меҳнат стажига эга бўлган ишлаётган аёл иш стажининг 8 йили мобайнида жами 3 марта болани парвариш-лаш таътилларида бўлган бўлса, у ҳолда пенсия тайинлаш учун иш стажини ҳисоблашда унга жами 25 йил иш стаж миқдори (30 йил - 8 йил + 3 йил = 25 йил).

з) офицерлар таркибидан бўлган шахсларнинг, прапорщикларнинг, мичманларнинг ва муддатдан ташқари хизмат ҳарбий хизматчиларнинг хотинлари, уларни ишга жойлаштириш имконияти бўлмаган жойлари эрлари билан яшаган вақт, лекин 10 йилдан ошмаган давр.

Саволга Адлия вазирлиги масъул ходими
Муҳаммад ТОШЕВ жавоб берди.

АВВАЛ ОТАЛИК БЕЛГИЛАНАДИ

Бир йил олдин ноқонуний равишда, яъни, шаръий никоҳ асосида турмуш қургандим. Яқинда фарзандли бўлдим. Энди бошим котган, эримга бу ҳақда бир неча марта айтдим, лекин у турли баҳоналарни рўқча қилиб, бу ишни пайсалга солаётти. Болага туғилганлик ҳақидаги гувоҳнома олиш тартиби қандай бўлади?

Г.Жуманова,
Навбахор тумани.

Амалдаги қонунларга биноан, "Фуқаролик ҳолати даълатномагарини қайд этиш қоидалари"нинг 40-бандига кўра, никоҳи расман қайд этилмаган ота-онадан туғилган болага аввал оталикни белгилаш ота ва она томонидан ФХДё бўлимига биргаликда берилган ариза асосида амалга оширилганидан кейингина туғилганлик тўғрисидаги гувоҳнома бериллади.

Саволга Навоий шаҳар ФХДё бўлими инспектори
Гулруҳ МАМАЛАТИПОВА жавоб берди.

Ёнғоқ, майиз, хандон писта каби дастурхонимиз кўрқига кўрк кўшувчи қуруқ мевалар қаторида бодом ҳам хуштаъм ва фойдали неъматдир. Унинг икки хил тури бўлиб, улар чучук ва аччиқ таъми билан бир-биридан фарқланади.

Бодом таркибида мой, оксил, қанд, В₁, В₂ витаминлари, эмульсия ферменти, аччиқ данакли уруғида эса амигдалин гликозиди бор.

Бодом мойи ва унинг эмульсияси ички юмшатувчи дори сифатида, фармацевтикада баъзи дори моддалар, яъни, камфора, гормонларни эритиш ва суртмалар тайёрлашда фойдаланилади.

Халқ табобатида аччиқ бодом мойи йўтал, кўкрак қафаси касалланиши, астма, кўлоқ оғриғи, ўпка ва меъда касалликларини даволашда қўлланилади. Чучук бодом магзини эса қанд билан бирга эзиб, қувватсизланган беморларга берилса, дармон бўлади.

Шунингдек, уйқусизликда тинчлантирувчи восита бўлиб, бош оғригини қолдириш хусусиятига эга. Чучук бодом пўчоғидан тайёрланган қайнатма қизамиқ чиққан болаларга даводир. Аччиқ ва чучук бодом ёғи ҳамда уруғлари озик-овқат саноатида ишлатилади.

БОДОМ



Ибн Сино аччиқ бодом уруғи ва ёғини қон тупуриш, йўтал, ўпка, буйрак, бош айланиши, кучли йўтал касалликларини даволашда, дармонсизликда, сийдик йўлларидаги тошларни ҳайдашда тавсия этган. Бундан ташқари, бодом ичкиликнинг захарли таъсирини камайтириб, жинсий ожизликнинг олдини олиши аниқланган.

■ Хар куни овқатдан аввал 3 маҳал 15-20 дона чучук бодом ейиш кишига куч-қувват бағишлайди.

■ Сочга бодом ёғи суртилса, соч тўкилишининг олдини олиб, илдизини мустаҳкамлайди.

■ Бодом ёғи косметологияда ҳам қўлланилади. Юз қуриб қолганда ё ажин тушганда суртилса, сезиларли

Табиат — дорихона

даражада фойда беради.

■ Унинг ёғидан кўз атрофларига суртиш оғриқни, кўз ёшланишининг олдини олади. Шунингдек, киприklar илдизини ҳам мустаҳкамлайди.

■ Бодом мойини 1 ош қошиқдан сурғи дори ўрнида, ҳолатга қараб, кунига 1-3 маҳал ичилса, бемор дардан фориғ бўлади.

■ Ярим стакан чучук бодом пўчоғини данагидан ажратиб, 2 стакан сувга солиб, қайнатиб олинади. Сўнг доқадан ўтказиб, қизамиқ хасталиғига чалинган болага чорак стакандан 3 маҳал ичирилса, дардни енгиллаштиради.

■ Қариқиз ўсимлигининг илдизини бодом ёғига кўшиб дамлаб, сўнгра бошга суртилса, соч тўкилиши анча камаяди.

■ Ширин бодом мойи ёки магзини сувга солиниб, обдон эзиб аралаштирилади, ҳосил бўлган бодом "сути" сийдик ҳайдовчи омил бўлиб хизмат қилади.

Латофат САЪДУЛЛАЕВА
тайёрлади.



РОНАЛДУ – «ОЛТИН ТЎП» СОВРИНДОРИ!

Халқаро футбол уюшмаси — ФИФА ташкилоти томонидан Швейцариянинг Цюрих шаҳрида 2013 йил якунларига оид катта тадбир бўлиб ўтди. Унда 2013 йилнинг якунлари сарҳисоб қилинди.



Барча аталган совринлар ўз эгаларига етказилди. Ниҳоят, асосий соврин бўлган «Олтин тўп» эгаси ҳам аниқланди.

Кўпчилик овоз билан 2013 йил учун «Олтин тўп» соврини Португалия ва «Реал» клуби футболчиси Кристиану Роналдуга насиб қилди.

Йилнинг энг яхши мураббийлари аниқланди. Номзодлар Алекс Фергосон, Юрген Клопп ва Юпп Хайкенслар эди. Энг яхши мураббий деб Юпп Хайкенс тан олинди.

Аёллар терма жамоалари мураббийлари орасида энг яхшиси деб Германия терма жамоаси бош мураббийи Сильвия Нейд топилди.

«Fair Play» совриндори Афғонистон термаси деб тан олинди.

Энг чиройли гол — Пушқаш соврини Златан Иброҳимовичга насиб этди.

Фахрий «Олтин тўп» соврини Пелега тақдим этилди.

Аёллар ўртасидаги «Олтин тўп» германиялик дарвозабон Ангерга насиб этди.

ДЕНИСНИНГ МУҲИМ ҒАЛАБАСИ



Дунёнинг энг кучли ракетка устаслари "Катта Дубулға" туркумига кирувчи теннис оламининг энг нуфузли тўрт турниридан бири — Австралия очик чемпионатида иштирок этмоқда.

Мельбурндаги мусобақада юртимиз шарафини ҳимоя қилаётган Денис Истомин дастлабки босқичда кипрлик машҳур теннисчи Маркос Багдатисни 6:4, 7:5, 6:4 ҳисобида мағлубиятига учратди.

Интернет манбалари асосида
Илҳом ЖУМАНОВ тайёрлади.

Муассислар: Ўзбекистон Хотин-қизлар қўмитаси, «Болалар ва оилаларни қўллаб-қувватлаш» ассоциацияси (Болалар жамғармаси) ва «Соғлом авлод учун» халқаро хайрия жамғармаси

Тахририятга келган кўпмаъража муаллифларга қайтарилмайди. Реклама материаллари мазмуни учун тахририят жавобгар эмас.

«Шарқ» нашриёт-матбаа акциядорлик компанияси босмаҳонасида чоп этилди. Тошкент, Буюқ Турон кўчаси, 41-уй. Босишга топшириш вақти — 15:00. Босишга топширилди — 15:00.

E-mail: oilavajamiyat@sarkor.uz

ISSN 2010-7609



9 772010 760007

Бош муҳаррир:
Норқобил ЖАЛИЛОВ

Навбатчи муҳаррир — Дилором

МАТКАРИМОВА

Саҳифаловчи — Илҳом ЖУМАНОВ

Мусаҳҳилар — Саидғани САЙДАЛИМОВ,
Гулноза БОБОЕВА

МАНЗИЛИМИЗ: Тошкент — 100000. Амир Темур кўчаси
1-тор кўча, 2-уй. Мўлжал: Олой бозори ёнида

Ўзбекистон Матбуот ва ахборот агентлигида
0169-рақам билан 11.01.07 да рўйхатга олинган. Буюртма Г — 138. Формати А-3, ҳажми 2 табоқ. Адади — 8833. Баҳоси келишилган нарҳда.

ОБУНА ИНДЕКСИ — 176

Қабулхона: (тел-факс) 233-28-20

Котибият: 234-76-08

Мухбирлар: 233-04-50

«Оила» бўлими: 234-25-46

Web-site: oilavajamiyat.uz

12:45